

OFFERYNNAU STATUDOL CYMRU

**2015 Rhif 1831 (Cy. 267) (C. 115)**

**TAI, CYMRU**  
**DIOGELU DEFNYDDWYR, CYMRU**

**Gorchymyn Deddf Hawliau Defnyddwyr**  
**2015 (Cychwyn Rhif 2) (Cymru) 2015**

*Gwnaed - - - - 21 Hydref 2015*

Mae Gweinidogion Cymru, drwy arfer y pŵer a roddwyd gan adran 100(3)(b) o Ddeddf Hawliau Defnyddwyr 2015(1), yn gwneud y Gorchymyn a ganlyn:

**Enwi, cymhwyso a dehongli**

- 1.—(1) Enw'r Gorchymyn hwn yw Gorchymyn Deddf Hawliau Defnyddwyr 2015 (Cychwyn Rhif 2) (Cymru) 2015.
- (2) Mae'r Gorchymyn hwn yn gymwys o ran Cymru.
- (3) Yn y Gorchymyn hwn, ystyr "y Ddeddf" ("the Act") yw Deddf Hawliau Defnyddwyr 2015.

**Y darpariaethau sy'n dod i rym ar 21 Hydref 2015**

2. Mae Pennod 3 o Ran 3 o'r Ddeddf yn dod i rym ar 21 Hydref 2015 i'r graddau nad yw eisoes mewn grym.
3. Mae Atodlen 9 i'r Ddeddf yn dod i rym ar 21 Hydref 2015 i'r graddau nad yw eisoes mewn grym.

21 Hydref 2015

*Lesley Griffiths*  
Y Gweinidog Cymunedau a Threchu Tlodi, un o  
Weinidogion Cymru

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

---

## NODYN ESBONIADOL

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn yn dwyn i rym, ar 21 Hydref 2015, Bennod 3 o Ran 3 o Ddeddf Hawliau Defnyddwyr 2015 ("y Ddeddf") at ddibenion sy'n weddill.

Mae Pennod 3 o Ran 3 o'r Ddeddf yn ei gwneud yn ofynnol i asiantau gosod i roi cyhoeddusrwydd i ffioedd perthnasol yn eu mangreoddedd ac ar eu gwefan (os oes ganddynt un). Mae Pennod 3 hefyd yn darparu ar gyfer gorfodi'r ddyletswydd gan bob awdurdod pwysau a mesurau lleol yng Nghymru.

Daeth Pennod 3 o Ran 3 i rym pan roddwyd y Cydsyniad Brenhinol i'r Ddeddf ar 26 Mawrth 2015 at y dibenion o wneud rheoliadau.

Mae adran 87 (gorfodi dyletswydd asiantau gosod i roi cyhoeddusrwydd i ffioedd) ac Atodlen 9 (dyletswydd asiantau gosod i roi cyhoeddusrwydd i ffioedd: cosbau ariannol) o'r Ddeddf wedi eu cychwyn yn y Gorchymyn hwn. Mae Atodlen 9 yn darparu gweithdrefn ar gyfer cosbau ariannol a sut i apelio yn eu herbyn.

## NODYN AM Y GORCHMYNION CYCHWYN CYNHARACH

*(Nid yw'r nodyn hwn yn rhan o'r Gorchymyn)*

Mae'r darpariaethau a ganlyn o'r Ddeddf wedi eu dwyn i rym yn llawn (oni nodir fel arall) gan orchymyn cychwyn a wnaed cyn dyddiad y Gorchymyn hwn:

<i>Darpariaeth</i>	<i>Dyddiad Cychwyn</i>	<i>Rhif O.S.</i>
Adran 89	1 Medi 2015	2015/1605 (Cy.203)